

**Nwa' wvu fwe wvù Baul to saηεε ê
Timatio
Fiεε fi nu ê Nwa' Timatio wvu
fwe wvun e**

Nwa' wvun nu wvu fwe wvù Baul to saηεε fô cuwee mvu wvù diee to nu Timatio le. Timatio to nu wee Klistu, ε wvú to nu wee wvu woη wvù Esia wvu caan e. Mwεεm mvù Baul saη εκυμε mvú ê ηwa' we wvu fwe wvun e nu mvuntentem.

Fi fwe nu ε wvú jemyi jó teete ε bó eyenè εκυμε n'yεεyi wvù yaa nu κε wvu λη εντελη jo bonyii bo mbee le. Wvuwwun n'yεεyi to nu λ, woη wvù beene yene wvun nu woη kebefε, ε wee nulo ke eκεηκε mboyma κε seke wee kee mwεεm mvumew mvù nu ê kenylε le bô seke wee cee nce mvu κε diεwε keetune keediee kfuu mwεεm mvumew bô keenu se kpwoon κενεε diemsen.

Nwa' wvudvu jemyi ten εκυμε no è nulo é Timatio egeè lemme diew ê kentaashε ke bonyii bo mbee le ente, bô no bonyii ebunleè Nyo'. Wvú bvuu seje kfuu κεηγε κè bikuu bi bintaashε bi bonyii bo mbee le noo bonyii bô fici gee dilemme ê bintaashε ente κεηκε keekeηκε. Keemεse nu ε wvú ε tefe Timatio no wvú nulo elemte diεwε waa lemme jisos Klistu wvù jee le.

Bikuu bi mwεεm e ê Nwa' wvun e

1:1-2 Κεηκεwce

1:3-3:16 Bontefe εκυμε no bó egeè mwεεm ê kentaashε le bô εκυμε bocee bikuu bi kentaashε le

4:1–6:21 Bontefe ekumε no Timatio egeè lemme diew

¹ Ε nu me wvù Baul, ε me nu waa ntum Klistu Jisos no Nyo' wvù Mboyse wesebeene bô Klistu Jisos wvù beene γεke bvufee yî ye le to gayεε le me enù.

² Me nsaanke ηwa' wvun fô wo le Timatio wvù ε nu waa wεm wvu keceεy yî mbee le.

Nyo' Ice bô Klistu Jisos wvù Tata wesebeene ebuw wo, ecam shen fô wo le, enya wo bô nyεkeey.

Le Timatio ecilè bon'yεεyi bo mbiay e

³ No me nto ηgayεε ê wo seke me nto ηgene Masedonia le wo eshεε enù Εfus, nu ε me mbvuu ηgayte le wo enù ke jó wvu le wo ecilè bonyii ba bô yεεyi kfuu n'yεεyi mvu wvu jεεy.

⁴ Ε cilè τεν le fo bó ejod̄ kefew kebole jewsee yî mvumanjaan e noo yî ediee ε bo'icee dikfuu di bonyii le yò bó ké no taanke gene dvù se yó kaa lo ηkuuη. Mvumvun nu mwεεm mvù too ke ε è nu bô bombew, ε è yaa nu ke bô ntaη wvù wvu Nyo' wvù bii mbee le ke.

⁵ Shiee ntefe wvun nu keege le bonyii ekeηkè keηkoηεn kè nen'yi fô mvuntelem mvù yuule le bô kè nen'yi fô mvuntelem mvù wee gee fiεε ε è yaa nu fi fitele esaake wvù le noo kè nen'yi fô fitele fi keceεy fi wee lese yî Nyo' le.

1:1 2:7; Tay 3:4; Kolo 1:26-27 **1:2** 1Kol 4:17; 1Kol 4:15; 1Tes 2:11; Tay 1:4 **1:3** Lem 20:1; 4:1-10; 6:3-5, 20-21; 2Tim 2:16-18, 23-26; Tay 1:10-16; 3:9-11 **1:4** 4:7; 6:20; 2Tim 2:16, 23; 4:4; Tay 1:14
1:5 1:14, 19; 2:15; 4:12; Lum 12:9; 13:10; 1Kol 8:1; Gal 6:10; 2Tim 1:3, 13; 3:10; Tay 1:15

⁶ Bonyii bomew nu ε cine wase yiyin je le ε no bvuyte gene wase ε è nu yî bonjeme bo εcici le.

⁷ Bó gomte keenu bonyii bò yεεyi bonyii bô bonci bo Nyo' le, geenεn yaa cim kee naa fiεε fi bó jemyi εκumε fí kenεε kenyi ke fiεε fi bó tεεncine yî dvú le se nfan e κε.

⁸ Beene kee le nci Nyo' nu fiεε fi jee fen é wee joo nci wvudvu ê je yi leη no wvú kenjke keejoo le.

⁹ Beene kee ten le nci nu ε bó yaa to geke fô bonyii bò nu teytey e κε. Bó to geke ε è nu fô bonyii bò ηgoyte bonci le bô bò temyi bikuu le, noo bò maa lo Nyo' le, noo bò gee bibefe le, noo bò yaa yuule κε le, noo bò beete bô diee di Nyo' le, noo bò yuwyi bo'icee bobole noo bobwee bobole, noo bò yuwyi bonyii bomew e.

¹⁰ ε nu ten fô bokεε bô bolemsε bò jaanke kenjan e, noo fô bolemsε bò jiime fô bomew e. ε nu ten fô bonyii bò coonke bonyii gene bô bó le, noo fô bò mbiayte mbiay e, noo bò kane keesee kecεεy kane mbiayte lo le. ε è nu ten fô bò gee naa la fi yaa bii κε n'yεεyi wvu leη e.

¹¹ N'yεεyi wvun bii saaka wvù jee wvù kuuke wvù è nu wvu Nyo' wvù bó bensee le, ε saaka wvudvu nu wvù bó to nyaε can yem e.

ε Baul nya keyoone ê Tata yî shenyi wvú to camεε fô wvú le

¹² Me nyaa keyoone ê Klistu Jisos wvù Tata wesebeene wvù nu ε nya me mvungay keelemte lemme

diew dî wvú to jinyεε me yen λε me nu ε ηkocεn, mum baa me λε me enlemte le.

¹³ Naa no me ncm nto nu fwele njemyi díew yî befε εκumε wvú, mbone bikaa ê wvú εjim, nan'yi wvú, geenεn ε wvú cam κε shen fô me le, njefo me nto ηgee kenjiwe le n'yaa ηκεηκε wase mbee κε.

¹⁴ Tata to nu ε tfuw lo mbuwma we κεηκοηεν yî yem e, ge ε me no ηκεηκε mbee bô κεηκοηεν no wee wvú nu ε taashe bô Klistu Jisos ké no κεηκε.

¹⁵ Njeme wvú λε Klistu Jisos to to yî nshε le keeboyse bonyii bô befε nu naa keceey, ε è nu njeme wvú nu ε kocεn wvú wee ebee wvú le se kemaηεν. Me keβεε nto nu naa lo nfon bonyii bô befε.

¹⁶ Geenεn, ε Tata ke cam shen fô me le, wvu λε Jisos Klistu eduηce yî yem e, me wvú nu nfon bonyii bô befε, shém ye yî wvú kuule gene mεεse bô bonyii. Ε me nto nu nonεn diεwε kenfewsεn e fô bonyii bô nu ke ebee wvú le ke eκεηκε nshii wvú mεy lo le.

¹⁷ Nyo' nu Nfon wvu bvuyvuum e σε ηka, ε κε wvú yaa nulo екpwe κε, ε κε bó nulo eyεn wvú le κε. Ε mεy κε wvú maan wvú è nu Nyo'. Beene etumtè monkum mew, nyaà n'wvum ê wvú sekecii σε ηka. Fí enù nonεn.

Lemme dî Timatio elemtè

¹⁸ Timatio waa wεm, me nyaa lemme di fiεε fi me njeme fin e can yo le, ε fí bii ε è nu mwεεm mvù bonyii to jemyεε wase εκumε wo diεwε bonyii bô

1:13 Lem 8:3; 9:1-5; 1Kol 15:9; Gal 1:13 **1:14** 1:5; 1Kol 15:10
1:15 Luk 15:2; 19:10; Lum 5:8 **1:16** Εφε 3:7-9; Kolo 1:25 **1:17**
Lum 16:27 **1:18** 4:14; 6:12; 1Kol 9:24-25; 2Tim 4:7-8; Jut 3

teete bontum bo Nyo' le, wvu le mvú ke efi wo é wo etum jem yì jee.

¹⁹ É leemè ke yí fitele fi wo lese yí Klistu le, eyekè fiεε fi fitele fiuw jemyi ê wo ntay. Bonyii bomew nu ε cinε wase keeyeke fiεε fi fitele fibole jemyi ê bó, ε mum ε gbwe yí mbee wvubole diεwε ηguw wvu ê joo fò wvú ε bvuj e.

²⁰ Ngoo bó le nu 'Imenayus bô Aleksanda. Me nu ε nya wase boban can Satan e, wvu le bó ekeηke bvufee, elu bô diee di Nyo' le di bó beete dvú.

2

Ntefe ekumε bunle

¹ Fiεε fi fwe fi me nleke nu le, bonyii bo Nyo' le ebunleè fô bonyii le bocii. Bó ebunleè beelè fô Nyo' le bvuu leké Nyo' fô bonyii bomew e, nyaà ten keyoone ê wvú.

² Bó ebunleè fô bonfon e, bô fô bonyii le bocii bò nu yí bintaw bi baay baay e. Bó ebunleè nonen wvu le è nulo é beene eceè nce kenleεten bô wvu nyεkeey noo wvu bonyii bo Nyo' le noo wvù keηke n'wvum.

³ Keebunlee nonen nu fiεε fi jee, ε fí ε kocen ejise jo Nyo' wvù Mboyse wesebeene,

⁴ wvù shieele le wee tfuu ke eboy noo le wee tfuu ekeè keceey e.

⁵ Nyo' nu ke mwaan maan, ε wee wvù nu entelen jo Nyo' bô bonyii nu ke ten mwaan. É wee wvun nu Klistu Jisos.

1:19 1:5 **1:20** 2Tim 2:17; 2Tim 4:14; 1Kol 5:5 **2:1** Efe 6:18-19; Fili 4:6 **2:2** Esl 6:10 **2:3** Tay 3:4 **2:4** Esek 18:23; 2Tim 2:25-26; 2Bi 3:9 **2:5** Dito 6:4-5; 1Kol 8:6; Lum 3:29-30; 10:12-13

6 Ε nu wvú wvù to nyaε εκολε kew keesum bonyii bocii yî ηγεω e. Fifin nu fiεε fi Nyo' to duησεε seke kefew ke ληη to kocενεε.

7 Ε νεε fiεε fi Nyo' to balεε me λε me ενù wee nfewceε noo waa ntum Jisos bô λε me ενù wee n'yεεyi bonyii bô yaa nu κε Bojuu keen'yεεyi bó é bó elese fitele yî Klistu le, eyεεyi τεν bó bô kecεεy. Κε fiεε fi me ηjemyi fin nu ε me mbiayte lo κε. Me ηjemyi ε è nu kecεεy.

8 Me ε mum ε no nshieele λε bolemσε ebunleè mondvuum e monciim, cawse ε è nu can yì yuule we yaa ton'yi shém κενεε cεwkene κε.

9 Me nshieele τεν λε bokενε ejjisè ndvú ê je yi ληη e yì duηci n'wvum e, noo ê yì bonyii yeνε λε è nu yi ληη e. Fo bó etuwci bikuu κενεε leese mwεεm mvù bó kene bô ketwaa ke bigew e kè yeεle κενεε ejjise ε baη, κενεε ndvú yi kenlum e κε.

10 Βó esuutè ye yibo ε è nu bô gee dì jee diεwε bokενε bô nu ε kocεn keebunlee Nyo' le.

11 Kpwoon κεηκε keenya εκολε kew keeyeke lo n'yεεyi, nu diuw tfu.

12 Me mbaa nya je λε kpwoon eyεεyi bolemσε κενεε eκεηκε mvuηgay ê we jo bolemσε κε. Wvú κεηκε keenu diuw tfu.

13 Fí nu nonεn ηjefo è nu Adam wvù Nyo' to yawεε bom, σε bom Iff.

14 Ε κε è yaa nu Adam wvù Satan to λελεε κε. Ε nu kpwoon wvù bó to λελεε ε wvú ηgoy nci Nyo'.

2:6 Mak 10:45; 2Kol 5:15; Gal 1:4; Tay 2:14; 1Jon 3:16; Gal 4:4; Tay 1:3 **2:7** 1:11-17; Gal 1:1; 2:7-8; Εφε 3:7; 2Tim 1:11 **2:8** 1Bi 3:7
2:9 1Bi 3:3-5 **2:10** 5:10 **2:11** 1Kol 14:34 **2:13** Kenj 2:7, 21-22;
1Kol 11:8-9 **2:14** Kenj 3:1-6, 13; 2Kol 11:3

¹⁵ Naa no fí cim nu nonen, nu ε Nyo' nu ke eboyse kpwoon fele yí boom bò wvú boote le, fen é wvú ε mey ε no leeme yí fitele fí wvú lese yí Nyo' le, kenke kenkonen, cee nce wvù yuule noo wvù kenke n'wvum e.

3

No nce bocee bikuu bi kentaashe ke bonyii bo mbee le kenke keenu

¹ Njeme mvu nu dvú ε wvú nu naa lo keceey. Njeme wvun nu le: E wee shieele kentaw keenu cee ekole ke kentaashe le, tu wvú shieele lemme ε è nu di jee.

² Cee ekole kentaashe ke bonyii bo mbee le kenke keenu wee wvù yaa kenke fiεε fi bó ebaci wvú yí dvú le ke. Wvú kenke keenu dwee kpwoon mwaan, yaa gee mwεεm kenduun e ke, kpawwci mwεεm ntay, kenke n'wvum, fiisene bonyii bo ghane le, kee keeyeyi bonyii.

³ Wvú kenke keenu wee wvù yaa wuu ke mbvuum ε mó koole ke. Wvú kenke keenu nyεkeey bó bonyii yaa cewkene ke, yaa waale waa ke, yaa kenke shiee yí bigew e ke.

⁴ Wvú kenke keenu wee wvù kee keetaa fô yew ye le ntay, gee ε boom bew yuuke wvú le yí fiεε le ficii, wvumte wvú.

⁵ E wee nu se wvú kee keetaa fô ye yew e ntay, é wvú ke eghan neε se keetaa fô kentaashe ke bonyii bo mbee le ke Nyo' le?

⁶ Ke wvú kenke keenu wee wvù beε banke lo è no nu wee mbee ke. E wvú nu wvuwe wee, é wvú ke

enε sekemew emum ebensee ye, ke enε eley ηγεω diεwε wvu dεwle le.

⁷ Wvú κηηke ten keenu wee wvù bonyii bo εκφυη yene ten le ε nu wee wvu ληη. Εfuw κε nonen, ε wvú ke enε ejo ε ketam ke dεwle le eshoose εκολε kew.

No nce bonyii bò fici gee dilemme ε kentaashε ke bonyii bo mbee le ente, κηηke keenu

⁸ Bonyii bò fici gee dilemme ε kentaashε ke bonyii bo mbee le ente κηηke ten keenu bò κηηke κηηγε ke ληη. Κε bó κηηke keejemyi díεw fiεε κε, yaa nu bò nu ε nya bikuu bibole ε mbvuum κε, yaa nu bonyii bò kuηηke κε ε ε nu σεw κε.

⁹ Βó κηηke keejici kenylile ke fiεε fi Nyo' nu ε dunce wase ε beene εκυμε mbee le, leeme yí dvú le ε fiεε yaa saake bó fô fitele le κε.

¹⁰ Ε bo σε γεε bó yí lemme le, nu ε bó κηηke keeyaw emom bó. Ε bó dioo ε dunce le κε bó κηηke jay κε, ε bó emum egεε bó ε bó elemte diεwε bonyii bò fici gee dilemme ε kentaashε ke bonyii bo mbee le ente.

¹¹ Bokε' bobole κηηke ten keenu bò κηηke κηηγε ke ληη, yaa kunsene mvuηkunsen κε. Κε bó κηηke keegeε mwεεm kenduun e κε. Βó κηηke ten keeleemé yí keceey e yí fiεε le ficii.

¹² Wee wvù fici lemte lemme ε kentaashε ente κηηke keenu dwee kpwoon mwaan. Ε wvú κηηke ten keekee keetaa fô boom bew bó fô yew ye le ntay.

¹³ Bonyii bò fici lemte ε kentaashε ente ké lemte ntay, κηηke diee di baay fô bikuu bibole, no nu ten σε nfan εκυμε fitele fi bó lese yí Klistu Jisos e.

Fiεε fi kuuke baay fi è nu fi mbee wesebeene le

¹⁴ Me n'yεne le è shεεte wase caan é me ento en'yεn wo le. Geenεn ε me saan̄ke m̄wεεm mvun fô wo le wvu le,

¹⁵ é me ne lo è no ndvuyte, é wo ekee no bonyii kēn̄ke keegeε m̄wεεm εnte jo yew yì yi Nyo' yì è nu kentaashε ke bonyii bo mbee le bo Nyo' wvù kēn̄ke nshii le. Kentaashε kin nu kfuy bô kenffuy kè jici keεεy e.

¹⁶ Fiεε nu dvú ε fí kuuke naa baay. ε fiεε fin nu fi to shee nu ê kenyilε le εkumε mbee wesebeene wvù beene jemyi, ε Nyo' ε ge wase beene ε kiεε. Fiεε fin nu le:

Wvú to nu ε dūn̄ce ekole kew yî nyam ye wee wvu wum e.

Keyoy ke Yuule to nu ε bense wvú.

Bonceendaa bo Nyo' le to nu ε yεn wvú le.

Bó to nu ε fewce εkumε wvú ê bitum bicii.

Bonyii to nu ε lese fitele yî ye le wōn̄ tfuu.

Bó to nu ε jo wvú ε wvú ben we ley bvukuke le.

4

Ekumε bonyii bo n'yεεyi le bo mbiay e

¹ Keyoy ke Yuule jemyi lo teyey le è nu ke enu kefew kemew e, é bonyii bomew ecinε mbee le eyuuke wase m̄wεεm ε è nu ê biyoy bì lεεle bonyii noo bon'yεεyi bo bonceendaa bo dεwle le.

3:15 Efε 1:23; 2:19-22 **3:16** Mat 28:18-19; Mak 16:19; Jon 1:14; Lem 2:33; Efε 1:20-21; Fili 2:6-11; Kolo 1:6, 23; 2Tim 4:17 **4:1** 1:10
4:1 2Tim 3:1

² E bon'yεεyi ban nu ke etoo can bonyii bò ghane buwsee bonyii mbiayte mbiay, ε mvuntelem mvubole ε cife wase ke diεwε bó ton ε è nu bô kento.

³ Bó nu ke ekane le fo bonyii etaashì bvujen, bô le fo wee edieè kfuu mwεεm mvumew ke. E mwεεm mvun nu ε Nyo' to fε le bonyii edieè, ε bonyii bò keηke mbee bvuu kee kecεεy dioo diee no nyaa keyoone ê Nyo'.

⁴ Fiεε ficii fi Nyo' to fελεε nu ε fí jee, ε fimew yaa nu dvú fi wee etune é wvú fεn ε fiisen bô keyoone ê Nyo' ke,

⁵ njefo njeme wvù wvu Nyo' bô bunle nu ε ge wase fí ε no yuule.

Waa lemme wvu Klistu Jisos wvù jee

⁶ E wo duηci mwεεm mvun ê boom bo bwee wesebeene le, é wo enù wee lemme wvu Klistu Jisos wvù jee wvù nu ε bó ε kuuse bô diεw Nyo' yi nu ekumε mbee bô n'yεεyi wvù jee wvù wo bii wvù le.

⁷ Fo wo ekεηke naa lo fiεε keege bô mvumanḡaan mvu εcici mvù nu se mvú keηke fiεε keege bô Nyo' ke. Yεεyε ekole kuw keecee nce ε è nu wvù Nyo' gomte.

⁸ Keedvumte ndvum yaci ye keηke ke sew fô wee le. Geenεn ε keecee ε è nu nce wvù Nyo' gomte keηke sew fô wee le ê jé le yicii, njefo fifin keηke sew yî nshii wvu keseen e, bvuu keηke yî nshii wvù too le.

⁹ Njeme wvun nu naa kecεεy, ε è nu njeme wvù nu ε kocεn wvù wee ebee wvù le se kemanεn.

10 **Ɛ** nƐƐ fiƐƐ fi bese famte Ɛdien yî lemme din e njefo bese nu Ɛ leke bvufee bvusese bvucii yî Nyo' wvù kɛŋke nshii le. Nyo' nu Mboyse bonyii bocii, Ɛfey mvunciim bonyii bò nu Ɛ bee wvù le.

11 **Ɛ** yƐƐyi bonyii bô mwƐƐm mvun gayte Ɛ bó gee mvù.

12 Fo wo ecinƐ Ɛ wee ejoð wo Ɛkuse le njefo wo bƐƐ wan caan kɛ. Ɛ nù kenfewsɛn fô bonyii bo mbee le Ɛ je yì wo jemyi jó bô yî nce wo le, noo kɛŋkɔŋɛn kè wo kɛŋke le, noo fitele fi wo lese yî Nyo' le, noo je yì wo gƐƐle ye yo jó Ɛ yì yuule le.

13 Nya Ɛkolɛ kuw keetaaŋke Nwa' Nyo' Ɛ bonyii ya le, ebvuu efewci diɛw Nyo', eyƐƐyi tɛn bó eƐɛn ebuy seke me ŋke ento.

14 Fo wo elañ nnya yo kɛ. Nnya yin nu yì bó to nyaƐ Ɛ wo seke ŋgoò bocee bikuu bi kentaashɛ ke bonyii bo mbee le to gƐƐƐƐ can yibo yî yo le jemyi Ɛ wo we diɛwɛ bonyii bo ntum Nyo' le.

15 Nya Ɛkolɛ kuw Ɛ mwƐƐm mvun, egeè mvù mvunciim Ɛ bonyii bocii yɛne ŋƐnfwe wo le.

16 **Ɛ** yɛnè bô Ɛkolɛ kuw noo bô n'yƐƐyi wo. Ɛ jici dvù ntay wvu le no wo gee nonɛn, Ɛ wo ke eboyse Ɛkolɛ kuw, eboyse tɛn noo bonyii bò yuuke fiƐƐ fi wo jemyi.

5

Ntefe no Timatio egeè bô bonyii bo mbee le

1 Fo wo ke dioo jemyi fiƐƐ Ɛ wee wvu ŋgaywee no wamene lo wvù kɛ. Geenɛn tefe lo wvù kɛ diɛwɛ ico le. Ɛ joð cubonyii diɛwɛ boom bo bwoo le.

4:10 Tay 3:4 **4:12** 1:5; Tay 2:7 **4:13** 2Tim 3:15-16 **4:14** 1:18; 5:22; Lem 6:6; 2Tim 1:6; 2:2 **4:16** 1:10; 4:12; 2Tim 2:22; 3:10
5:1 Lɛw 19:32

² Ɛ joò ten bokene bo ngaybonyii diewe bobwoo le, ejoò ngon bokene diewe jéme yo le, etaalè bó ê je yì yuule le.

No è nulo é kentaashe etaale fô boka' bo bonkfu le

³ Ɛ taalè fô boké' bo bonkfu le bò è looci nu bò yaa kenke ke wee wvù taale fô bó le ke.

⁴ Geen, é kpwee nkfu kenke boom, kee boom bo boom e, é wo cine é bó yaw yeyi keege lemme dibole di mbee le, wvu le bó etaale ten fô bobwee bobole kee fô bo'icee bobole no bó to taale fô bó le. Fifi nu fié é kí é kocen ê Nyo' ejise.

⁵ Kpwee nkfu wvù looci nu kpwee nkfu wvù yaa bvuu kenke wee wvù taale fô wvù le, nu é wvù taale ke wase fwe é nu yí Nyo' le, bunlee sekeci beele fô Nyo' le entan bô emvunsheen.

⁶ Geen, é kpwee nkfu wvù ghane fiew diee é è nu ekole kew, nu é wvù é kpwe ke wase naa no wvù cim beé lene ê we.

⁷ Ɛ jemyi mwem mvun ê bó, wvu le fo bonyii ke ene ebaci bó.

⁸ Ɛ wee nu se wvù taale fô kfu dieu e, efey mvunciim fô ye yew e, tu wvù nu é tun wase nce wvù è nu wvu mbee. Ɛ didie gee nu é dí é fo é fey naa lo di wee wvù yaa nu ke wee mbee le.

⁹ Kpwee nkfu wvù è nulo é bó elese dieu dieu ngoo boké' bo bonkfu le bò bó efici bó kenke keenu wvù nu é buy wase bilim mbansoocaa, wvù to nu ke kpwee diemsen mwaan,

¹⁰ é è nu wvù bó kee lo le wvù kenke gee di jee. Fi nu le: Wvù kuuse boom bew ê je yì jee le, fiisene botolo ê wvù yew, é wvù é cuke wase ten bikaa bi

bonyii bò è nu bo Nyo' le, ε ficε bonyii bo ηγεω e, ε wvú ε nya εκολε kew keege lemme di jee ê jé le yicii.

¹¹ Geenεn, fo wo ebee keeese bokε' bo bonkfu le bò bεε boom bo caan ηgoo bò bó efici le κε, njefo é ye yibo ja ε κεω ε no ηεyte, é bó emum edaaye ηkawma wvù bó to γεε ê Klistu, emum egomte keekase eγεν ê bolemσε bomew e.

¹² Ε bó ge nonεn, tu bó ε jo wase ηγεω yí bikuu bibole njefo bó nu ε ηgoy wase ηkawma wvubo wvu fwe.

¹³ Ε keebvuu ebise fó nu, é wo lese bó ηgoo le, é bó enε enu wase bonyii bò shee laame lo, gbwayte yew bonyii le danεene. Ε è yaa mεy κελε bó nu eshee laame lo κε, bó nu ekunsene ten mvunκunsεn, leese dew fô mwεεm mvu bonyii le, jemyi mwεεm mvù bó yaa κεηke keejemyi κε.

¹⁴ Nonεn me ε no nteete bokε' bo bonkfu le bò bεε boom bo caan λε bó ekase eγεν etaashε bvujen bó bolemσε bomew, eboo boom, etaalè fô yéw yibole, fo wee bvuban ke enε ebεε εjim jodvu ebeete bó diee disεεbeene.

¹⁵ Me ηgayte nen njefo bonyii bomew bó le nu ε jay wase je ε tu ê keba ke Satan e.

¹⁶ Ε kpwoon wvù è nu wee mbee κεηke bokε' bo bonkfu le ê kfuu dibole, é wvú nu fici bó, wvu λε fo kentaashε ke bonyii bo mbee le etuule bvujite κε. Ε kí efici wase ε è nu bokε' bo bonkfu le bò looci nu εbonεbon.

Ficε fi bonyii bo mbee le κεηke keege fô bocee kentaashε le

17 Bocee bikuu bi kentaashε ke bonyii bo mbee le bò lemte ntay nu ε bó κηηκε keenyaà n'wvum bô mmawcε ê bó ntay, εfey mvunciim bò fewci tεn diεw Nyo' bvuu yεεyi bonyii.

18 Bó κηηκε keenyaà nonεn njefo Nwa' Nyo' gayte le,

“Fo wo esûm diuw nyam seke yí λεε εgin κε.”

ε fi bvuu nu tεn λε, “Wee lemme κηηκε keεκηηκε nlawma we.”

19 Fo wee ke eyuu eshomse cee εkolε ke kentaashε le kemew ê wo, é wo emum ebee wvú le se bonyii ε leem bofεε κενεε botεte ε ben jim nsaw wvudvu κε.

20 ε è nu wee wvù nu ε mey κε ε no gee kebefε gεne dvú, é wo wamεn wvú εjise jo bonyii bocii, wvu λε kebεse efan.

21 Me njemyi fin ê wo fwe dvu Nyo' bô Klistu Jisos noo bonceendaa bò Nyo' nu ε baa λε, wo egeè fiεε fi me ηgayte fin yaa tuu dwen wee mvu κε, egeè fiεε yaa duηci kejeεy jεεy κε.

22 Fo wo ebuwbuwè keεgεε can yî wee le λε wvú enù cee εkolε ke kentaashε ke bonyii bo mbee le κε. Fo wo elese fiuw can fô kebefε ke wee mvu le κε. Gεελε εkolε kuw ε kí eyuulè.

23 Fo wo ebvuu ewuu κε ε è nu joo maan κε. ε wuù tεn fimmbvuum caan nje tee diuw bô no wo mooci κε cεmcεme baay nεn.

24 Bibefε bi bonyii bomew e ké no yen'yi naa baay duηci λε bó nu ε gbwe wase nsaw, ε bi bomew e ké jo naa kefew se yenε.

5:17 1Tεs 5:12 5:18 Dito 25:4; Luk 10:7; 1Kol 9:9, 12-14 5:19
 Dito 19:15; Mat 18:16; 2Kol 13:1 5:20 Gal 2:14; εfe 5:11 5:22
 4:14

²⁵ **Ɛ** nu ke ƙeɲɲeɲ no gee di jee di bonyii bomew e kɛ no yen'yi. **Ɛ** dí cim baa yaɲsɛn eyenɛ, tu ke dí nu ke emɛy nyiime ke.

6

Nfwa wvù nu wee mbee eyuukè wee wvù ƙeɲke wvù le

¹ Bonyii bocii bò nu ɛkuse jo kemmbuɲ ke bvun-faw e ƙeɲke keenyaa n'wvum ê jé le yicii ê bonyii bò ƙeɲke bó. Bó egeè nonɛn, wvu ɛ fo bonyii ejemyi díɛw yì befe ɛkumɛ diee di Nyo' le noo n'yɛɛyi wesebeene ke.

² Fo bonfaw bò bonyii bò ƙeɲke bó nu bonyii bo mbee le emum ejoð bó ɛkuse ɛ njefo bó bocii nu boom bo bwee wan e yî Klistu le ke. Bó ƙeɲke keelemte lo fô bó le ntay fesene lo, njefo bonyii bò ƙeɲke sɛw lemme dibole nu ɛ è nu bonyii bo mbee le ɛ bó koonke bó naa ntay.

Bonyii bo n'yɛɛyi le bo mbiay e bô bvukukɛ bvù ɲeɲ

Ɛ yɛɛyi bonyii bô mwɛɛm mvun, teete bó ɛ bó egeè mvù.

³ **Ɛ** wee yɛɛyi n'yɛɛyi mvu jɛɛy yaa beɲe n'yɛɛyi wvu ɲeɲ wvù wvu Tata wesebeene wvù Jisos Klistu le noo n'yɛɛyi wvù kocine bô nce wvù Nyo' gomte,

⁴ tu mwɛɛn bensee ɛ è nu ye yì ɛcici yaa kee fiɛɛ ke. Wvuwɛ wee cɛmte bô kencɛm ke bombew bô mvuɲkicɛn mvu díɛw e mvù too bô kendon ke benɛɛn noo diwaa noo díɛw yì befe noo keebiinene bonyii ƙeɲke ɲkpawɛ wvù befe,

⁵ noo diuw wvu kumεεν εντελεη jo bonyii bò nu ε bvufee bvubole ε λεμλεμ wase ε bó ε lase wase kecεεy e. Bó gee nonεν kpwaake λε fiεε fi Nyo' le nu je mi yì bó nu ke ekuw jó.

⁶ Geenεν é wee cee nce wvù Nyo' gomte bvuu yuuke njon bô fiεε fi wvù κηηke, tu è nu naa bvukuke bvu baay,

⁷ njefo beene to to ê won jan cancan, ε beene nu ke etu ke jim cancan.

⁸ Nonεν é beene κηηke mwεεμ mvudien bô ndvù, tu mvumvun nu ε kocεν fô beene le.

⁹ Geenεν bonyii bò gomte ε è nu bvukuke ké ley mmom e, jo ê ketam e, mum ley shiee mwεεμ e nteen mvu keyon e mvù too bô bonγεw. Ε mwεεμ mvun nu mvù ffúmte bonyii ηγεw e ε è yaa nu wvu wεε κε.

¹⁰ Dikfuu di mwεεμ mvù befe le mvunciim san ε è nu yì κηηκονεν ke bigew e. Ε nu nje shiee wvu baay wvun wvù bonyii κηηke fô bigew e wvù bonyii nteen nu ε jay wase je yì mbee wvubole, ε bon'yε mvuntelem mvubole bô mwεεμ mvu nsase le nteen.

¹¹ Fô wo le Timatio, wo nu fiuw wee Nyo'. Ε lewtè lo fiuw mvumvun mwεεμ. Ε taalè ε è nu keekηηke nce wvu teytey noo nce wvù Nyo' gomte. Ε jicì mbee wo le, κηηke κηηκονεν, kuule shém, κηηke ten nce wvu nyεkeey.

¹² Ε diuù bvudiuw bvu mbee le bvù jee, jicì nshii wvù mεy lo wvù bó to tenεε wo keeley wvù le, ε wo leem ê bonyii nteen fwe bò eben jim nsaw wo, ε wo jeme λη εκυμε mbee wo.

6:5 Jon 10:12; Lem 20:33-34; 1Tεs 2:5; Tay 1:11; 1Bi 2:14; 5:2 **6:6** 4:8; Fili 4:11; Ibu 13:5 **6:7** Job 1:21; Ekle 5:14 **6:8** Bηgn 30:8-9 **6:12** 1:18; 4:14

13 Me ε mum ε no njemyi ê wo ejise jo Nyo' wvù nyaa nshii ê mwεεm mvunciim, noo ê ejise jo Klistu Jisos wvù to leemεε fwe dvu Bontus Baylet jeme fiεε fi leη bô diuw we ekumε ekole kew,

14 ηgayte le wo egεεlè bonci ban, nù se nlom ε fiεε yaa nu dvú fi wee ebaci wo yî dvú le egen ebuy kefew kè Tata wesebeene wvù Jisos Klistu nu ke ebuyneη e.

15 Ε wvú nu ke ebuyneη ε è nu ê kefew ke leη e, kè è nu ke eduηce Nyo' wvù bó bensee, wvù è mεy ke wvú wvù saake mwεεm mvunciim, nu Nfon bonfon noo Tata botata bocii.

16 Ε mεy ke wvú maη wvù yaa nulo ekpwe ke, ε wvú nu ê n'yuw wvù è nulo wee saa ebence nceencee fó le ke. Wee ke baa yuu yen wase wvú le, ε ke è nulo é wee eyen wvú le ke. N'wvum nu ê wvú, ε sa' ye nu yi mεy lo. Fí enù nonen.

17 Ε dioo tu ê keba ke bonyii bo kpaw e yî won wvun e, è jemyi ê bó le fo bó ebenseè ye ke. Fo bó eleke bvufee bvubole yî kpaw e wvù nulo ke enε eka le ke. Bó eleke bvufee ε è nu yî Nyo' wvù looci tfuuke lo mwεεm mvunciim ê beene le beene eyuuke njon dvú le.

18 Bó egeè ε è nu mwεεm mvù jee, é kpaw wvubo enù mwεεm mvù jee mvù bó gee. Bó eyene can yibo enyaa nnya yaa taale ke.

19 Yiyin nu je yì è nulo é bó egεεle ntfu fô bikuu bibole yî ntfuu le diεwε kenffuy kè temyi le, wvu le bó ejici nshii wvù looci nu nshii le.

6:13 Mat 27:11-26; Jon 18:28-19:16 **6:14** 1:3, 18; Fili 1:10; 1Tes 5:1-2 **6:15** Lem 1:7; 2Bi 3:3-9; Mwm 17:14 **6:16** Ksm 33:20; Mben 104:2; Jon 1:18; Kolo 1:15; 1Jon 4:12 **6:17** Mben 62:10; Luk 12:15, 20; Jεm 5:1 **6:19** Mat 6:20

²⁰ Timatio, è jicì kε fiεε fi bó nu ε gεε can yo le. Ε wεmte lo bonjeme bò yaa κεηke kε fiεε keege bô Nyo' noo bonjeme bo mvuηkicεn e bò bonyii kpwaake le è nu bo bvufee le.

²¹ Bonyii bomew nu ε nε wase ε no kuηene mvumvun mwεεm, ε nε ε jay je ê keba ke mbee wvubole. Tata ebuw ben bocii.

**Nwa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
5b12a3f8-7a2a-5b6f-b1da-1bf94b13fc2e